



SAOPŠTENJE ZA JAVNOST

Određen pritvor za lice G.D. zbog osnovane sumnje u izvršenje krivičnih djela „Razbojništva“

(Brčko, 18.06.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH odredio je pritvor licu D.G. (39)* zvani "T..." iz Brčkog, inače višestrukom povratniku u činjenju krivičnih djela, zbog postojanja osnovane sumnje da je izvršio dva krivična djela "Razbojništva".

Osnovni sud Brčko distrikta BiH utvrdio je da su ispunjeni uslovi iz člana 132. stav 1. tačka c) Zakona o krivičnom postupku Brčko distrikta BiH, pa je licu D.G. iz Brčkog odredio jednomjesečni pritvor zbog postojanja osnovane sumnje da bi osumnjičeni ukoliko bude boravio na slobodi mogao ponoviti krivično djelo, a za krivična djela za koja postoji osnovana sumnja da ih je počinio se može izreći kazna zatvora od 3 (tri) godine ili teža kazna.

Podsjetimo, u večernjim satima dana 09.06.2025.godine Policija Brčko distrikta BiH realizovala je operativnu akciju kodnog naziva "Kavez" poduzetu sa ciljem otkrivanja počinioca krivičnih djela "Razbojništva" koja su se dogodila u Brčko distriktu BiH u posljednjih petnaest dana prema specifičnom načinu izvršenja koji je naročito uznemirujući za lokalnu zajednicu. Naime, učinilac ovih krivičnih djela ulazio je u otključane kuće kod dva lica starije životne dobi i od istih, uz prijetnju upotrebnom fizičke sile, oduzimao novac i nakit. Nakon provedene akcije i izvršenog saslušanja, osumnjičeni D. G. (39)* zvani "T..." iz Brčkog lišen je slobode i protiv njega je podnešen izvještaj o počinjenju krivičnog djela.

U daljem toku postupka, Tužilaštvo će nastaviti poduzimati sve zakonom propisane istražne mjere i radnje u cilju utvrđivanja svih važnih činjenica i prikupljanja dovoljnog broja kvalitetnih dokaza za dalje krivično procesuiranje odgovornog lica ili više njih.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**ZAMJENIK
GLAVNOG TUŽIOCA
VLADIMIR TEPAVČEVIĆ**